

Broj: 01-04-13-01945/2024

Datum: 19.04.2024.godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
Predsjedavajuća Mirjana Marinković-Lepić
Veza vaš akt br. 05/1-02-94/24 od 04.03.2024.godine**

n/p - zastupnik Slaven Raguž

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE
n/p- generalna sekretarka mr.sci. Edita Kalajdžić
veza vaš akt br. 03-04-469-1/24 od 07.03.2024.godine**

**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO OKOLIŠA I TURIZMA
n/p ministrica dr.sci. Nasiha Pozder
veza vaš akt br. 07/1-19-8-229/24 SS od 28.03.2024.godine**

PREDMET: Odgovor na zastupničku inicijativu, dostavlja se

Federalna uprava za inspeksijske poslove zaprimila je dana 01.04.2024.godine akte gornji broj/evi koji je zastupnička inicijativa koju je pokrenuo zastupnik Slaven Raguž, a koja inicijativa se tiče zahtjeva da se izvrše analize tla i vode na lokaciji deponije na granici općina Kiseljak i Kreševo.

Naime, slijedom svakodnevnog zagađenja općine Kiseljak i Kreševo i s obzirom na lokaciju deponije, uvaženi zastupnik traži da se izvrši analiza potencijalnog radioaktivnog zračenja na istoj. U obrazloženju svoje inicijative, uvaženi zastupnik je ukratko ukazao na

problematiku vezanu za predmetnu deponiju. Naime, da je nakon rata odlučeno da se otvori deponija na području općine Kiseljak. S obzirom na strukturu otpada vrlo često dolazi do samozapaljivanja deponije, a zavisno od smjera vjetra, zagađuje se čitavo područje općine Kiseljak ili Kreševa. I pored zapaljenja, najgore je u toplijim periodima godine, a postoje indicije kako se na ovu deponiju odlagao i otpad nuklearnog sadržaja.

I ministrica Federalnog Ministarstva okoliša i turizma, svojim aktom br. 07/1-19-8-229/24SS od 28.03.2024.godine, obratila se Federalnom urbanističko-ekološkom inspektoratu vezano za predmetnu zastupničku inicijativu, da nadležna federalna inspekcija izađe na teren, i izvrši nadzore u pogledu nadzora deponije, okolišne dozvole, posebno monitoringa tla i otpadnih voda, te monitoringa procjednih voda koji je propisan okolišnom dozvolom. Nakon obavljenog inspekcijskog nadzora, potrebno je dostaviti povratno informaciju o utvrđenom stanju i poduzetim mjerama.

U pripremi odgovora na ovu zastupničku inicijativu, doprinosa su dali Federalni vodni inspektorat i Federalni urbanističko-ekološki inspektorat.

Kad je u pitanju federalna vodna inspekcija, moramo istaći da ista nije imala saznanja niti predstavke ili prijave, niti je ikada postupala po pitanju ove deponije na području općine Kiseljak. Temeljem članka 109. stav (1) tačka 11. Zakona o vodama FBiH ("Službene novine Federacije BiH" broj: 70/06) propisano je:

„Aktivnosti za koje su uvijek potrebni vodni akti:

(1) Prethodna vodna suglasnost, vodna suglasnost i vodna dozvola moraju se pribaviti, bez obzira na njihove utjecaje, za sljedeće aktivnosti: 1. zahvatanje vode u svim gospodarskim granama i djelatnostima, a naročito za:

11. izgradnju ili uređenje deponija otpada..“

Obzirom da se po ovoj predstavi ne radi o izgradnji ili uređenju deponija otpada, federalna vodna inspekcija nema zakonskog osnova za postupanje po ovoj stvari.

Prema informacijama kojima raspolažemo, ovom deponijom upravlja JP „Vodovod i kanalizacija“ Kiseljak. Inspekcijski nadzor tog komunalnog poduzeća, iz nadležnosti vodne inspekcije provodi kantonalna vodna inspekcija Srednjobosanskog kantona.

Federalni urbanističko-ekološki inspektorat- Vezano za predmetnu zastupničku inicijativu, obavještavamo zastupnika da federalni inspektor zaštite okoliša vrši inspekcijski nadzor nad provođenjem odredbi Zakona o zaštiti okoliša u okviru svoje nadležnosti, a Uredbom kojom se potvrđuju pogoni i postrojenja koja moraju imati okolinsku dozvolu („Službene novine Federacije BiH“; broj 51/21) data je lista pogona i postrojenja za koje Federalno ministarstvo izdaje okolinsku dozvolu.

U skladu sa članom 133. Zakona o zaštiti okoliša („Službene novine Federacije BiH“; broj 51/21) inspekcijski nadzor nad poštivanjem **uslova propisanih okolinskom dozvolom** i

važućih propisa vrši nadležni **inspekcijski organ na nivou vlasti koji je donio dozvolu**, a za pogone i postrojenja **za koje nije potrebna okolinska dozvola**, inspekcijski nadzor provodi **mjesno nadležni inspektor** nadležan za poslove zaštite okoliša i urbanizma.

Shodno navedenom, obzirom da Federalno ministarstvo okoliša i turizma nije izdalo okolinsku dozvolu za predmetnu deponiju, ista nije u nadležnosti federalnog inspektora za zaštitu okoliša.

S poštovanjem,

Dostavljeno:

1 x Predsjedavajuća-Mirjana Marinković-Lepić

1 x zastupnik Slaven Raguž

1 x Generalna sekretarka Vlade FBiH- mr. sci. Edita Kalajdžić

1 x ministrica FMOIT- Nasiha Pozder

1 x a/a

22-04-2024



RD